

ՎՐԱՍՏԱՆԻ ԿՈՄՈՒՆԻՍՏԱԿԱՆ ՊԱՐՏԻԱՅԻ
ԿԵՆՏՐՈՆԱԿԱՆ ԿՈՄԻՏԵԻՆ
ՎՐԱՑԱԿԱՆ ՍՈՎԵՏԱԿԱՆ ՍՈՑԻԱԼԻՍՏԱԿԱՆ
ՌԵՍՊՈՒԲԼԻԿԱՅԻ ԳԵՐԱԳՈՒՅՆ ՍՈՎԵՏԻ
ՆԱԽԱԳԱՀՈՒԹՅԱՆԸ
ՎՐԱՑԱԿԱՆ ՍՍՌ ՄԻՆԻՍՏՐՆԵՐԻ ՍՈՎԵՏԻՆ

Սովետական Միության Կոմունիստական պարտիայի Կենտրոնական Կոմիտեն, Սովետական Սոցիալիստական Ռեսպուբլիկաների Միության Գերագույն Սովետի Նախագահությունը և ՍՍՌՄ Մինիստրների Սովետը ջերմորեն ողջունում և շնորհավորում են Վրաստանի բանվորներին, կոլտնտեսականներին, ինտելիգենցիային, բոլոր աշխատավորներին Վրաստանում Սովետական իշխանության հաստատման և Վրաստանի Կոմունիստական պարտիայի կազմավորման 40-ամյակի առթիվ:

Վրաստանի Կոմունիստական պարտիան Լենինի մեծ պարտիայի հնագույն մարտական ջոկատներից մեկն է: Նրա պատմությունը Սովետական Միության Կոմունիստական փառապանծ պարտիայի պատմության անխզելի բաղկացուցիչ մասն է: Վրաստանի Կոմունիստական պարտիայի կազմավորումը բաղաձայն է մեծ կարևորություն ունեցող իրադարձություն հանդիսացավ վրաց ժողովրդի կյանքում:

Լենինյան Կենտրոնական Կոմիտեի ղեկավարությամբ Վրաստանի Կոմունիստական պարտիան զլխավորեց աշխատավորների պայքարը սոցիալական և ազգային ազատագրության համար, իսկ Սովետական իշխանության հաստատումից հետո՝ նոր, սոցիալիստական կյանքի կառուցման համար, ռեսպուբլիկայի էկոնոմիկայի և կուլտուրայի ծաղկման համար:

Չորս տասնամյակի ընթացքում Վրաստանի աշխատավորները և կոլտնտեսականները, մեր երկրի բոլոր ժողովուրդների բարեկամական համագործակցությամբ հաջողությամբ լուծում են հասարակության կոմունիստական վերափոխման խնդիրները: Հայրենական Մեծ պատերազմի դաժան տարիներին նրանք, ինչպես և բոլոր սովետական մարդիկ, ցուցադրեցին անսահման նվիրվածություն սոցիալիստական Հայրենիքին, Կոմունիստական պարտիային, հավատարմություն ժողովուրդների Լենինյան բարեկամությանը և իրենց արժանի ավանդը մոծեցին ֆաշիստական զավթիչների դեմ երկրի պատմական հաղթանակի գործում:

Վրաց ժողովուրդը օրինական հպարտության զգացումով է այժմ ամփոփում պայքարի և աշխատանքի փառասնամյա փառապանծ ուղու արդյունքները, որը նշանավորվեց նրա նակատագրում կատարված արմատական շրջա-

դարձով: Այդ տարիներին Վրաստանը դարձավ հզոր արգյունաբերություն, բազմաճյուղ գյուղատնտեսություն, բարձր զարգացած սոցիալիստական կուլտուրա ունեցող ռեսպուբլիկա: Արդյունաբերության համախառն արտադրանքի ծավալը 1913 թվականի համեմատությամբ անել է 40 անգամ: Ռեսպուբլիկայում զգալիորեն շատ էլեկտրաէներգիա է արտադրվում, բան արտադրում էին նախառնողացիոն Ռուսաստանի բոլոր էլեկտրակայանները: Սոցիալիստական Վրաստանում ստեղծվել է մեծ զարգացում են ստացել մետալուրգիական, մեքենաշինական, լեռնահանքային, էլեկտրատեխնիկական, բիմիական արդյունաբերությունը և այլ ճյուղեր: Արշին տարիների կառնորադույն նվաճումներից մեկը եղավ Վարադաղ—Թրիլիսի գազամուղի, Վրացական ՍՍՌ Գիտությունների ակադեմիայի աստմային ուսկոորի կառուցումը:

Սովետական իշխանության տարիներին հսկայական, բերկրալի փոփոխություններ են կատարվել ռեսպուբլիկայի գյուղատնտեսության մեջ: Կուլեկտիվացման հաղթանակը անճանաչելիորեն փոխեց վրացական գյուղի դեմքը: Կոլտնտեսային կարգը գյուղացիության առջև բացեց երջանիկ կյանքի ճանապարհը: Ռեսպուբլիկայում այժմ ստեղծվել է հաջողությամբ զարգանում է մեքենայացված սոցիալիստական գյուղատնտեսությունը: Ողեշնչված ՍՄԿՊ Կենտկոմի Հունվարյան պլենումի որոշումներով, գյուղի աշխատավորները պայքարում են գյուղատնտեսական արտադրության հետագա անշղջ վերելքի համար:

Անընդհատ բարձրանում է ռեսպուբլիկայի աշխատավորների նյութական բարեկեցությունը, ծաղկում է վրաց ժողովրդի՝ ձեռով ազգային, բովանգակությամբ սոցիալիստական կուլտուրան: Ռեսպուբլիկայում կա դպրոցների, գիտահետազոտական հիմնարկների, ակումբների, գրադարանների, քանդաւանների, կինոթատրոնների լայն ցանց: Մեծ հաջողությունների են հասել գրականությունն ու արվեստը:

Տնտեսական և կուլտուրական շինարարության ասպարեզում ռեսպուբլիկայի աշխատավորների հաջողությունները Կոմունիստական պարտիայի և Սովետական կառավարության լենինյան ազգային բաղադրականության իրականացման, ռուս, ուկրաինական, բելոռուս ժողովուրդների և Սովետական Միության եղբայրական մյուս ժողովուրդների մշտական օգնության արգյուններ հանդիսացան: Մեր երկրի ժողովուրդների համերաշխ, միասնական բնտանիքում, Կոմունիստական պարտիայի ղեկավարությամբ, վրաց ժողովուրդը անձնվիրաբար պայքարում է պարտիայի XX և XXI համագումարների պատմական որոշումների կենսագործման համար, Կոմունիստական հասարակարգի ծավալուն կառուցման նոր հաջողությունների համար: Վրաստանի աշխատավորները մեծ ոգևորությամբ ու խանդավառությամբ ամբողջ սովետական ժողովրդի հետ միասին պատրաստվում են ՍՄԿՊ XXII համագումարին, ձգտելով այն նշանավորել տնտեսական և կուլտուրական շինարարության նոր հաջողություններով:

Սովետական Միության Կոմունիստական պարտիայի Կենտրոնական Կոմիտեն, ՍՍՌՄ Պերագույն Սովետի Նախագահությունը և ՍՍՌՄ Մինիստրների Սովետը հաստատ վստահություն են հայտնում, որ Վրաստանի աշխատավորները ուժ ու եռանդ չեն խնայի կոմունիստական շինարարության հույակապ խնդիրների հաջող լուծման պայքարում: Վրաց տաղանդավոր ժողովրդին նոր հաջողություններ ենք մաղթում կոմունիզմի կառուցման գործում, յոթնամյա

պլանի առաջադրանքներն կատարման ասպարեզում, ռեսպուրիկայի էկոնոմիկայի և կուլտուրայի հետագա ծաղկման պայքարում:

Կեցցե՝ Վրացական Սովետական Սոցիալիստական Ռեսպուրիկայի 40-րդ տարեդարձը:

Կեցցե՝ Վրաստանի Կոմունիստական պարտիան՝ ՍՄԿՊ մարտական ջոկատը:

Կեցցե՝ Սովետական Միության ժողովուրդների Եղբայրական բարեկամությունը՝ մեր մեծ Հայրենիքի հզորության ու բարգավաճման անսասան հիմքը:

Կեցցե՝ Սովետական Միության Կոմունիստական պարտիան, որը սովետական ժողովրդին վստահորեն տանում է դեպի կոմունիզմի հաղթանակը:

ՍՄԿՊ
ԿԵՆՏՐՈՆԱԿԱՆ
ԿՈՄԻՏԵ

ՍՍՌՄ
ԳԵՐԱԳՈՒՅՆ ՍՈՎԵՏԻ
ՆԱԽԱԳԱՀՈՒԹՅՈՒՆ

ՍՍՌՄ
ՄԻՆԻՍՏՐՆԵՐԻ
ՍՈՎԵՏ